

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

CXLVIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

tellexi ex bibliopola Francofurtensi, Simone Huter, duos meos libellos apud vos edi de Cœna Domini & de communicatione idiomatum; & magnopere vellem in epistola dedicatoria aliquid mutari. Dedicatoriam enim propter multas gravissimas causas vellem inscribi Duci Brunsvicensi Julio: à te igitur amanter & diligenter peto, ut pro titulo: Ducis Saxoniae, velis substituere hunc titulum: (Illustrissimo Principi ac Domino, Domino Julio, Duci Brunsvicensi ac Lüneburgensi, Domino meo clementissimo) Et in fine dedicatoriae expungas ea, quæ ad Ducem Saxoniae pertinent, ac eorum loco cures substitui ea, quæ in charta hisce literis inclusa consignavi. Illud ut diligenter cures, magnopere à te peto. Nam & nostræ Ecclesiae ut illud fiat, multum interest. Ego vicissim ad quævis officia paratissimus ero. Jam per occupationes non possum plura scribere. Bene igitur & feliciter in Christo vale. Rostochii, 28. Junii, 1568.

T.

Martinus Kemnitiis.

CXLVIII.

Salutem à DEO patre, per JESUM Christum, qui est unica spes nostra. Reverende vir & frater in Christo chariss. Etsi nulla huc usque mihi tecum intercesserit familiaritas, tamen propter communia studia, & sacrosanctam nostram professionem, quæ merito animos, locorum intervallo disjunctos, conjungere debet, verecundiæ fines transire, & tecum audacter per literas, quæ erubescere nequeunt, familiariter colloqui decrevi, hac fretus spe, te propter tuam mirificam humanitatem hæc rude literas boni consulturum, & mihi nequaquam rusticitatis grandem dicam scripturum esse. Venit ad me harum literarum exhibitor, Johannes Hellerus, cujus pater in hac provincia magna cum laude functus est officio pastoris; qui per biennium in vestra Academia bonam operam literis navavit, & mirum in modum petiit, ut se tibi commendarem, se enim in certam venire spem, meam commendationem plurimum ponderis apud te, qui pro tua autoritate plurimum apud cives valeres, habiturum esse. Nolui adolescenti admodum bona indole prædico deesse, propter parentem, & quod ipse cum extrema confisteretur paupertate & tamen ad studia liberalia, imprimis verò ad Theologiam animum adjecit. Eapropter mirum in modum peto, ut hujus adolescentis studia juves & promoveas, ipsum summo favore prosequaris, ut re ipsa experiatur, hanc commendatiunculam qualemcunque ipsi non obtulisse. Scis, quam honorificam mentionem

M m 2

faciat

faciat scriptura filiorum Prophetarum, & quam ampla ac luculenta præmia, is, qui mentiri nescit, polliceatur iis, qui curâ pauperum, inprimis vero scholasticorum, afficiuntur, & plantulas regni cælorum fovent ac pro virili promovent. Sed nolo pluribus hac de re tecum agere, ne benevolentiam tuam, quam omnes ubique magno ore prædicant, in dubium vocare videar. Ego vicissim tibi & tuis pro virili, mea studia & expromptam operam deferō. Adolescentem tuorum beneficiorum nulla unquam capiet oblivio, Filius Dei, studiosorum præses, procul dubio tibi & tuis abunde ea recompensabit. Quod reliquum est, ego æternum patrem Domini nostri Jesu Christi ardentibus votis oro, ut te tuæ publicæ & domesticæ Ecclesiæ diu incolumem conservet, nobis salutarem pacem & tranquillitatem concedat, tandem verò ex hac miseriarum valle, in æternam & nunquam intermorituram transferat, Amen. Bene vale, & responde. Datæ Smalcaldiæ, ipso die Kiliani, Anno gratiæ, 1568.

Tua Reverentia

Dedit.

Christophorus Fischer, servus Christi
apud Smalcaldenses.

CXLIX.

Salutem in Christo.

HAs literas in summis meis occupationibus scribo, ut scias, me adhuc vivere, & nondum mortuum, quem tamen multi optarent extinctum. Papistæ insidiantur, Cingliani proscindunt famam & honorem meum. Ego verò è Cælo pendo. Summum dolorem cæpi ex defectione Comitis ab Helfenstein, sed majori voluptatem & gaudium ex accessione, qua Dux Brunsvicensis, mortuo patre, Duce Henrico, veteri Ecclesiæ Christi hoste, Evangelium Christi amplexus est, & totum suum Ducatum reformare instituit. Dominus sancto proposito adsit, & huic Duci dies vitæ prorogare velit. Cruenta meditati & mitati sunt Papistæ. Sed Dominus invertit illorum consilia, & confusione replebitur facies illorum, ut Pfältes inquit. Cujusmodi specimen ediderit Joannes Piscator noster, pro Disputatione publica, ex aliis audivisti, ad quam ego illum coëgi. Et tempore quidem ipsi minus commodo. Tum enim sese ad Magisterium preparabat. Præclare se gessit, ut paucis verbis dicam. Conabor per gratiam DEI præstare vobis in illo adolescente, quod vobis promisi, quando pro ipso intercessi. Bene & feliciter vale, & tuum Jacobum amare perge. Tubingæ, 12. Julii, 1568. Collegas tuos, Reverendos doctis-